

Aningaasaqarnermut Ataatsimiititaliap suliaq nr. 01.31.06/08-00350 pillugu pingasunngornermi ulloq 23. juli 2008-imi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 23. juni 2008-mi aalajangiinerani nr. 308)

Namminersorneq pillugu innuttaasunut paasisitsiniaalluni angalanissamut ilassutissatut aningaasaliinissamik qinnuteqaat

Naalakkersuisut inassuteqaatigaat,

kontomi pingaarnermi, Ingerlatsinermit sillimmatit 20.11.50-mi aningaasaliissutaasimasut 1.400.000 kr.-nik appartinneqassasut

kontomi pingaarnermi 10.01.19-mi, Namminersorneq Pillugu Allaffik 1.400.000 kr.-nik qaffanneqassasut.

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliap ataatsimiinnissaata avataatigut tuaviortumik suliarinninnissamik pisariaqartitsineq.

Qinnuteqaat tuaviortumik suliarineqarnissaanik qinnuteqaatitalik julip qaammataani tiguneqarpoq.

Aningaasaqarnermut Ataatsimiititaliap julip qaammataani nalinginnaasumik ataatsimiinneq ajorpoq, taamaattumik aalajangiinissamik suliasat piffissami 26. junimiit 5. august 2008 ilanngullugu suliarineqarnissaat naatsorsuutigineqarsinnaasimanani. Tamanna Naalakkersuisunut nalunaarutigineqarpoq ataatsimiititaliallu ataatsimiinnissanut ullorsiutaani, Inatsisartut nittartagaanni pissarsiarineqarsinnaasumi aamma atuarneqarsinnaalluni.

Taamaalillutik Naalakkersuisut ilisimavaat ataatsimiititaliap aasarnissaa sioqqullugu naggataamik 25. juni nalinginnaasumik ataatsimiimmat.

Ilaatigut Kalaallit Nunaanni namminersornerup eqqunneqarnissaa pillugu tikkuussisuusumik innuttaasunik taasisitsinissaq pillugu Inatsisartut inatsisissaattut siunnersuummik Inatsisartut oqaluuserinninnerat aammalu partiit siuttuisa ulloq 19. maj ataatsimiinnerat innersuussutigalugu aningaasaliinissamik pisariaqartitsineq piffissami aningaasanut inatsisip akuersissutigineqarnerata nalaani siumut isigineqarsinnaasimangitsoq Naalakkersuisunut saqqummiussissummi tunngavilersuutigineqarpoq. Qinnuteqaatip tunniunneqarnissaa Naalakkersuisut siulittaasuata ulloq 23. juni akuersissutigisimavaa. Ataatsimiititaliap 25. juni ataatsimiinnissaa sioqqullugu qinnuteqaatip nassiunissanut Naalakkersuisut pinngitsoortinneqarsimanersut qinnuteqaammi takuneqarsinnaanngilaq.

2008-mi ataatsimiititaliap ataatsimiinnissai nalinginnaasut 25-it Aningaasaqarnermut Ataatsimiititaliamit pilersaarutigineqarput. Suliat naatsorsuutigineqarsimangitsut nukingernartorujussuartullu isigineqartariaqartut ataatsimiititaliap immikkut ittumik ataatsimiigiaqquneqarnissaanik pisariaqartitsilersinnaammata ataatsimiititaliamit paasilluarneqarsinnaavoq. Ataatsimiinnissanulli pilersaarut nalunaarutigineqarsimasoq sapinngisamik Naalakkersuisunit ataqqineqassasoq ataatsimiititaliamit naatsorsuutigineqarpoq.

Aningaasaqarnermut Nunanullu Allanut Naalakkersuisoqarfiup tusarniarneqarnera

Missingersuusiortarneq pillugu maleruagassat atuuttut naapertorlugit ilassutitut aningaasaliissutissat pillugit Naalakkersuisunut saqqummiussissummi allanneqassaaq, saqqummiussissut Aningaasaqarnermut Nunanullu Allanut Naalakkersuisoqarfimmut tusarniaassutigineqarsima soq oqaaseqaatillu ilanngunneqarsimassallutik.

Piumasaqaat taanna Naalakkersuisunut saqqummiussissutip eqquutsinngilaa.

Taamaattumik Aningaasaqarnermut Nunanullu Allanut Naalakkersuisoqarfimmut Aningaasaqarnermut Ataatsimiititaliap apeqquteqaateqarnissaa pisariaqarsimavoq. Naalakkersuisoqarfik ilisimatitsivoq, Naalakkersuisoqarfik tusarniaanermut akissummik tunniu ssisimasoq taass umalu oqaaseqaatai ilanngunneqarsimasut.

Illumut Aningaasaqarnermut Nunanullu Allanut Naalakkersuisoqarfik tusarniarneqarsimansoq taassumalu oqaaseqaatai ilanngunneqarsimansoq, Aningaasaqarnermut Ataatsimiititaliap aalajangiinissamut tunngavissaani pingaaruteqartorujussuupput. Taamaattumik missingersuusiortarneq pillugu maleruagassani piumasaqaat eqquutsinneqassasoq ataatsimiititaliamit **innersuussutigineqassaaq**.

Nalimmassaataasumik sipaarutissatut siunnersuut

Missingersuusiortarneq pillugu maleruagassat naapertorlugit Naalakkersuisunut ilaasortaq immikkut aningaasaliinissamik qinnuteqartoq, nammineq naalakkersuisoqarfimmi iluani nalimmassaataasumik sipaarutissat ilanngullugit siunnersuuteqarfigissavai.

Piumasaqaat taanna Naalakkersuisunut saqqummiussisutip eqquutsingilaa.

Naalakkersuisoqarfiup pineqartup iluani nalimmassaataasumik sipaarutissat aqqutigalugit allaanerumik aningaasalersuinissamut periarfissaq Aningaasaqarnermut Ataatsimiititaliap aalajangiinissamut tunngavissaani pingaaruteqarpoq. Taamaattumik missingersuusiortarneq pillugu maleruagassani piumasaqaat eqquutsinneqassasoq ataatsimiititaliamit **innersuussutigineqassaaq**.

Sillimaffigereersimanngisat pillugit missingersuusiortarneq pillugu inatsimmi piumasaqaat

Namminersornerullutik Oqartussat missingersuutaat pillugit Inatsisartut inatsisaanni allassimavoq, nunaanik aningaasaliissuteqartoqarnissaanik aningaasaliissutinilluunniit allanngortitsis oqarnissaanik qinnuteqaatit taamaallaat aningaasaqarnikkut iliuusissanut aningaasanut inatsisissap suliarineqarnerani sillimaffigereerneqarsinnaasimanngitsunut tunngassasut. Ukiup aningaasanut inatsisip atuuffiani matumani konto 10.06.10-mut (Partiit qineqqusaarnissaannut tapiissutit) 3,5 mio. kr.-it illikartinneqarnikuupput . Missingersuutinut oqaasertaliussani allassimavoq, Namminersorneq pillugu inatsit nutaaq pillugu inuit taasitinneqarnissaat sioqqullugu partiit ingerlataannut paasisitsiniaanissaannut oqallitsinissaannullu partiit aningaasartuutaannut tapiissutissatut aningaasaliissutit katillugit 1, 52 mio. kr. -it atorineqarnissaat naatsorsuutigineqartoq.

Namminersorneq pillugu innuttaasunik ataatsimiisitsinernut atatillugu partiit angalaneranni aningaasartuutinut aningaasat taakku atorineqarnissaat Naalakkersuisut tunngavissaatikkaat Naalakkersuisut ataatsimiititaliamut ilisimatitsissutaanni atuarneqarsinnaavoq. Tunngavissaatitaasoq taanna missingersuutinut oqaasertaliussani atuarneqarsinnaanngilaq, taamatullu Namminersorneq pillugu paasititsiniaanermik suliniutinut allanut aningaasaliissutit ilaat partiit ataasiakkaat atorsimagaat paasinarsisimavoq. Taamaattumik innuttaasunik ataatsimiisitsinernut peqataanissamut partiit taakku immikkut ittumik aningaasaliisoqanngippat akissaqarnaviannngillat.

Pisoq tamanna immikkut ittumik aningaasaliinissamik qinnuteqaateqarnissamut nammineq pilersitsisuunngitsoq tunngaviumik Aningaasaqarnermut Ataatsimiititaliamit isumaqarfigineqarpoq. Partiit paasititsiniaanissaannut aningaasat illikartinneqarsimasut atorineqarfigissaat aningaasanut inatsisissatut siunnersuummik suliarinninnerup nalaani Inatsisartut

erseqqissarsimasinnaagaluarpaa, taamaalilluni innuttaasunik ataatsimiisitsinerni peqataanermut taamaallaat atorineqarsinnaalersillugit. Inatsisartulli taama iliunngillat. Matuma malitsigaa immaqaa sillimaffigineqarsimasinnaasimassanngilaq, kisianni sillimaffigereerneqarsinnaasimannngitsutut oqaatigineqarsinnaanani.

Pisut kingorna partiit tamakkerlutik innuttaasunik ataatsimiisitsinerni sinniisuutitaqarnissaannik Naalakkersuisut Inatsisartuni partiinit pimaffigineqarsimanerat ħ ajunngitsumik isumaqarluni ħ ineriartornertut aningaasanut inatsisissatut siunnersuummik suliarinninnerup ingerlanerani sillimaffigineqarsinnaanngivissutut isigineqartariaqarpoq. Tamanna tunngavigalugu qinnuteqaat suliarineqarsinnaasoq ataatsimiititaliaq isumaqarsimavoq, naak tamanna annertuumik eqqarsarnartoqartinneqaraluartoq.

Tamatuma saniatigut aningaasanut inatsisissatut siunnersuummi aningaasaliinissamut tunngavissat suliarineqarneranni pisariaqartumik peqqissaarussinermik Naalakkersuisut iliuseqartarnissaat suliap naqissuserpaa.

Aningaasaqarnermut Ataatsimiititaliami ikinnerussuteqartog, Inatsisartunut ilaasortaq Palle Christiansen, isumaqarpoq, Namminersorneq pillugu partiit paasitsiniaanissaannut aningaasanik naammattunik immikkoortitsisoqareersoq. Taamaattumik ikinnerussuteqartup taaneqartup qinnuteqaat akuerisinnaanngilaa.

"Namminersorneq pillugu taasisitsinissamut aningaasanik amerlanerusunik immikkoortitsisoqarnissaa Demokratinit taperserneqarsinnaanngilaq, siunertamummi tassunga aningaasaliisoqareermat Demokratillu isumaqarmata aningaasat taakku naammattut.

Namminersorneq pillugu allaffeqarfiup missingersuutitigut nikingasooruteqarsorinarnera ilassutitut aningaasaliissuteqarnermik kinguneqassanngitsoq, taakkunungali taarsiullugu maanna missingersuutaareersut iluini sipaarutissat nassaarineqartariaqartut Demokratit isumaqarput, soorlu tamanna missingersuusiornermi malittarisassani aamma inassutigineqartog.

Demokratinit aamma oqaatigineqassaaq Namminersorneq pillugu Allaffiup paasisitsiniaanissaannut, tassungalu ilanngullugu angalanernut 4,26 mio. kr.-inik immikkoortitsisoqareersoq. Aningaasanik amerlanerusunik qinnuteqaammi una atuarneqarsinnaavoq:

"Aningaasattaq atorfilittat angalanissami peqataanissaannut atorineqarsinnaapput."

A t o r f i l i t t a t t a a k k u p a r t i i n i n g a a n n e e r s u u s i n n a a n a t i l l u Naalakkersuisuninngaanneersuusinnaanngillat, taamaattumillu Namminersorneq pillugu Allaffiup sulisuisa, siusinnerusukkut 4,26 mio. kr.-inik siunertamut tassungarpiaq aningaasaliiffigineqareersut angalanerunissaannut aningaasat taakku atorineqassasut Demokratinit ilimagineqartariaqarpoq.

Kommunik iluarsaaqqinnermut atatillugu ikaarsaariarnermut ataatsimiititaliat aningaasaliissutaareersut iluini ingerlatsissasut Naalakkersuisut taakkununga paasissutissiissutigaat. Tunngavilersuut taannarpiaq qinnuteqaammut matumunnga akissutitut Naalakkersuisunut atussallugu tulluartut Demokratinit isigineqarpoq.

Taamaattumillu Naalakkersuisut qinnuteqaataat tapersersinnaanngikkipput Demokratinit oqaatigissavarput."

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliami amerlanerussuteqartunit
akuersissutigineqarput .

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua